



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CV. Kurfürst Albrecht nimmt Hans von Buch zu Woddow auf ein Jahr zum
Amtmanne in Löcknitz an, den 10. Juni 1471.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

CIV. Markgraf Johann belehnt Hans und Zabel von Holzendorf mit den Besitzungen Coppe's Wulf in Bandelow und Gzefow, am 11. Februar 1471.

Wir Johanns etc., Bekennen —, das fur vns komen sein vnnser lieben getrewen hannfz vnd Czabel von holczendorff, bruder, vnde haben vns demutiglich gebeten, das wir In vnd Iren lehnserven fulch lehnguter, czinz vnde Rente, als Coppe wulff Inn den dorffern bandelow vnd Czefow von vns czu lehne gehabt, der In dy verkoufft vnd vor vns uff ire behuff genczlich verlassen hat, gnediglich geruchten czuerlihende. Also haben wir angefehen ir willige dinst vnd fleißig bete vnde haben den genanten hannfz vnd Czabel von holczendorff vnd iren rechten menlichen liblehnserven fulch lehnguter, zcinz vnd rente mit den leipgedingen, als etlich frawen vnd Closter Juncfrawen noch dorynnen haben, vnd fuß mit aller gerechtikeit, als der genante Coppe wulff dorynne gehat hat oder haben mochte, czu rechtenn manlehn gnediglich gelihen vnd lihen In die also mit crafft vnd macht disses briues etc. Geben czu Colen an der Sprewe, Am montag nach Sant Appolonien tag, Nach cristi geburt vierczeinhundert vnd Im ein vnd Sibbenzigsten Jaren.

R. dom. Episcopus Lubucensis Cancellarius.

Nach dem Churm. Lehnscopialbuche XXV, 36.

CV. Kurfürst Albrecht nimmt Hans von Buch zu Woddow auf ein Jahr zum Amtmanne in Löchnitz an, den 10. Juni 1471.

Wyr Albrecht etc., Bekennen etc., das wir vnnserm Rate vnd lieben getrewen hanfen von Buch czu Woddow, vnnser Slos, die lokenitz, von hewte, datum diss briues, disz nochvolgende Jar ganz awf In Amtmansweise beuolhen vnd mit sampt allen desselben Slos Pechten, Renten, gulten, zynfen vnde czugehorungen, nichts vfzgenommen, den die erhohung der helfft desz Czols doselbst czur lokenitz, mit sampt funffzig gulden, die wir Im dor zu von der hant geben vnd lezunt also bar hynaws haben gegeben vnd bezalet, davon er das gemelt vnnser Slos selb czwenzigt redlicher vnd werlicher personen czu Rolz vnd czu fufz, dorunder ein puschmeister vnd eyn Castner, der auch den czoll aldo eynnehmen sol, die wir Im zuordnen werden, vff vnnser belonung vnd In seynen kosten halten sal, vnns vnd vnnsern erben damit czugewarten vnd demselben vnnserm Slosz mit guter verwarung getrewlich vor czu sein, als er sich desz dann gen vns durch seynen Reuerzbrieff verschriben vnd dorvber gelobet vnd gefworen hat. Czu vrkund mit vnnserm czu Ruck vffgedrucktem Ingesigel versigelt vnd geben In vnnser Stat Prenzlow, am montag nach Trinitatis, Anno etc. LXXI^o.

Nach dem Churm. Lehnscopialbuche XXV, 345.